



Ta'iala mo i latou o lo'o talosaga mo le Pacific Engagement Visa (PEV):

Pe fa'aapefea ona saili ma talosaga mo galuega i luga o upega tafailagi

O lenei ta'iala e fesoasoani i tagata talosaga mo le PEV e su'e galuega ai i Ausetalia, talosaga mo avanoa faigaluega, ma talanoa ma pule o fale faigaluega.

Fuafuaga mo le su'ega o galuega

O se fuafuaga malosi mo le su'ega o se galuega e fesoasoani ia te oe ia tumau gaioiga fa'atulagaina, fa'amalosiau, ma fa'ateleina ai lou avanoa e maua ai le galuega e sili ona talafeagai mo oe. E tata i tagata talosaga ona:

Tausi le su'ega o galuega e pei o se galuega

O le su'eina o se galuega e mafai ona faigatā. Ia taulimaina ma le mata'alia, tumau le mafaufau lelei, aua le fiu ma ia maua pea le onosa'i

Fausia se faiga masani i aso ta'itasi

Tu'u ese se taimi i vaiaso ta'itasi mo le su'eina o se galuega

Fa'atūina sini e mafai ona ausia

Mo se fa'ata'ita'iga, atonu e te talosaga mo ni galuega e 3–5 i le aso, pe fa'aalu le 3–4 itula i aso ta'itasi po o vaiaso ta'itasi mo gaioiga e su'e ai galuega

Taofi faamaumauga o ni galuega sa e sailia

Tusi i lalo galuega ta'itasi na e talosaga ai. Ia aofia ai le igoa o le kamupani, tulaga i le galuega, le so'otaga o le 'upega tafa'ilagi ma le aso na e talosaga ai. E fesoasoani ia oe ina ia tumau le fa'atulagaina o ou fa'amatalaga.



Fa'afeso'ota'i pulega o lo'o fa'afaigaluegaina tagata

O le fa'afeso'ota'i atu i pulega o lo'o fa'afaigaluegaina tagata, i luga ole telefoni poo le imeli, e mafai ona fesoasoani e fausia ai ni sootaga malosi. E taua ona:

Su'esu'e le fa'alapotopotoga

Saili fa'amatalaga fa'afeso'ota'i a le pule a le galuega i le 'upega tafa'ilagi a le kamupani. E masani ona aofia fa'amatalaga a le tagata su'e tagata faigaluega (recruiter) i lalo ifo o le fa'asalalauga mo avanoa faigaluega

Fa'afeso'ota'i sa'o

Fa'ailoa atu lou tagata i le pule o le galuega. E mafai ona e fesili e uiga i le taimi amata, le faagasologa o le fa'afaigaluegaina, pe fa'ailoa atu o lo'o e talosaga mo le Visa Tumau (Permanent Resident/PR), o le PEV lava lea, ma o lo'o e mafaufau loloto i le avanoa faigaluega lea. E manatu o se va'aiga fa'apolofesa ma e fesoasoani i le fausia o se sootaga lelei

Tulituliloa lau talosaga

I totonu o Ausetalia, o se masani mo ē o lo'o su'e galuega ona feso'ota'i pule o galuega pe a uma ona latou talosaga mo le galuega. E mafai ona lafo se fe'au faaaloalo pe valaau e fesili ai i le aga'i i luma o lau talosaga.



Auala e maua ai fa'amatalaga feso'ota'i a se pule o galuega

- I le fa'asalalauga o le galuega, siaki po'o aofia ai le igoa po'o fa'amatalaga feso'ota'i a le tagata su'e tagata faigaluega (recruiter) po o le pule o le fa'afaigaluega
- Afai ua na'o le igoa o le kamupani o lo'o tuuina mai, e mafai ona e su'eina nisi fa'amatalaga faaopoopo i le:
 - Upega tafa'ilagi a le kamupani – su'e le itulau 'Careers' po o le 'About Us', lea e masani ona aofia ai fa'amatalaga a le vaega o tagata faigaluega (human resources) po o le 'au su'e tagata faigaluega (recruitment team). E mafai fo'i ona e maua se itulau 'Contact' o lo'o iai se numera telefoni lautele po o se tuatusi imeli e mafai ona e fa'aaoga e fesili ai mo fa'amatalaga a le pule faigaluega
 - LinkedIn – su'e le itulau a le kamupani ma taga'i i le au faigaluega o lo'o lisiina ai. Su'e le vaega o tagata faigaluega (human resources), le 'au su'e tagata faigaluega (recruitment), po o pule fa'afaigaluega (hiring managers).

Afai e lē'i maua ia fa'amatalaga feso'ota'i a le pule o le galuega, aua le lotovaivai. E mafai lava ona e talosaga mo le avanoa e ala i le fa'aaogāina o se fa'afeiloa'iga lautele fa'apolofesa i lau tusi aofia, e pei o le "Dear Hiring Manager" poo le "To the Recruitment Team." Ia mautinoa le ta'ua ole igoa o le fa'alapotopotoga i lau fa'atomuaga ina ia tumau ai le tulaga lelei ma le fa'apolofesa o lau talosaga.

Aotelega o kamupani saili galuega i luga o upega tafailagi i Ausetalia.

E tele 'upega tafa'ilagi fa'atuatua i Ausetalia e mafai ona fesoasoani ia oe e su'e ai avanoa faigaluega ma talosaga ma le mautinoa. O lo'o lisiina i lalo nisi o 'upega tafa'ilagi e masani ona fa'aaoga.

Fautuaga mo le fa'aaogāina lelei o 'upega tafa'ilagi mo galuega

O le fa'aaogāina o 'upega tafa'ilagi mo galuega e mafai ona fa'asaina ai lou taimi ma ia aua ne'i misia ai avanoa faigaluega. O nei fautuaga e fesoasoani i le su'eina ma fa'ateleina o lou avanoa e maua ai galuega e talafeagai ma oe.

- Fa'atumu atoatoa lau talaaga i luga o le initaneti ina ia faigofie e pule o galuega ona su'e oe
- Fa'atulaga ni lapata'iga (alerts) mo galuega e fetau ma lou tomai ma le nofoaga o lo'o e fia galue ai
- Fa'aaoga upu autū e feso'ota'i ma ou tomai ma galuega o lo'o e fiafia i ai

- Aua le fa'amoemoe i se upega tafa'ilagi mo galuega e tasi. E fa'aaoga e pule o galuega 'upega tafa'ilagi 'ese'ese
- Siaki uma upega tafailagi mo galuega i taimi le aunoa, ona e fa'asalalauina pea galuega fou i aso ta'itasi
- Afai o lo'o e su'eina se galuega fa'apitoa, siaki nofoaga fa'apitoa mo galuega i lena alamanuia.

SEEK ([seek.com.au](https://www.seek.com.au))

- Le 'upega tafa'ilagi e sili ona tele mo galuega i Ausetalia, ma le faitau afe o avanoa faigaluega
- E mafai ona e lafoina mai lau talaaga faigaluega (resume), fa'atūina lapata'iga (alerts), ma va'ai ta'iala mo totogi fa'apea ma iloiloga o kamupani.

Indeed Australia ([indeed.com.au](https://www.indeed.com.au))

- O se tulaga faigaluega fa'avaomalo e tele ai avanoa faigaluega i Ausetalia
- E aoina mai galuega mai 'upega tafa'ilagi a kamupani ma isi 'upega tafa'ilagi o galuega
- E ofoina mai ai ni tulaga auiliili su'e gofie (simple search filters).

Australian JobSearch ([jobsearch.gov.au](https://www.jobsearch.gov.au))

- Le 'upega tafa'ilagi aloa'ia a le malo mo galuega
- E fa'aaoga fua, e leai se totogi
- E aofia ai galuega mo i latou fa'atoa amata (entry-level) ma aperetenisi (apprenticeships).

LinkedIn ([linkedin.com](https://www.linkedin.com))

- O se upega tafa'ilagi fa'apolofesa fa'avaomalo e tele ai avanoa faigaluega
- O galuega o lo'o fa'asalalau e pule o galuega ma i latou o lo'o su'e tagata faigaluega (recruiters)
- E mafai ona e faia se talaaga galue fai fua e fa'ailoa atu ai ou tomai ma lou poto masani, ma feso'ota'i ai ma pule o galuega.



Fa'afeso'ota'i le PEV Employment Support Service

O le PEV Employment Support Service o lo'o iinei e:

- Lagolago ia te oe mo le sailia o se galuega.
- Fesoasoani ia te oe e talanoa ma le mautinoa ma pule o galuega.
- Fa'amaonia lau avanoa faigaluega ina ia mautinoa e fetui ma mana'oga o le visa.
- Talanoa sa'o ma pule o galuega mo ou mana'oga, e aofia ai taimi e amata ai le galuega po o auiliiliga o le konekarate.
- Tu'uina atu ia oe punaoa e fesoasoani mo le tapenaina mo lou galue i Ausetalia.



Saili atili e uiga i le PEV Employment Support Service i le pev.gov.au

I luga la matou upega tafailagi, e mafai ona e saili ai isi punaoa, e aofia ai o pepa fa'amatalaga tau galuega ma fa'ata'ita'iga mo talaaga faigaluega. E mafai fo'i ona e lesitala i Fonotaga o Fa'amatalaga mo Galuega ina ia a'oa'o atili mo le sailia o se galuega i Ausetalia.

